

## RESOLUCIÓN SOBRE A REDISTRIBUCIÓN DE FONDOS ENTRE GDR, CO OBXECTO DE ASIGNAR FONDOS AOS GRUPOS QUE TEÑAN EXPEDIENTES EN SITUACIÓN DE RESERVA POR ADXUDICACIÓN PARCIAL DE FONDOS.

O Consello de Dirección da Axencia Galega de Desenvolvemento Rural (Agader), mediante o acordo do 30 de maio de 2008, aprobou as bases reguladoras para a selección de programas de desenvolvemento rural e para a selección e o recoñecemento dos grupos de desenvolvemento rural (en adiante, GDR) como entidades colaboradoras na xestión do programa Leader Galicia 2007-2013, e convocou o correspondente proceso de selección (*DOG* núm. 115, do 16 de xuño. Corrección de erros no *DOG* núm. 140, do 21 de xullo). As anteditas bases reguladoras foron modificadas polo Acordo do Consello de Dirección do 23 de decembro de 2008 (*DOG* nº 15, do 22 de xaneiro).

Para o financiamento do programa Leader Galicia 2007-2013 preveuse unha dotación orzamentaria máxima de 142.846.735 €, coa participación financeira do Feader, de fondos da Administración xeral do Estado e da Comunidade Autónoma de Galicia. Esa dotación distribuíuse entre os programas de desenvolvemento rural presentados polos GDR que foron seleccionados como beneficiarios e mais como entidades colaboradoras na xestión do programa Leader Galicia 2007-2013.

Agader e mais os citados GDR asinaron os respectivos convenios de colaboración, nos que constaban os recursos financeiros iniciais asignados a cada programa de desenvolvemento rural, distribuídos entre os anos 2008 e 2013.

O Consello de Dirección de Agader do 25 de marzo de 2013 delegou no director xeral a competencia para aprobar o novo marco financeiro do programa Leader Galicia 2007-2013 e mais para modificar as bases reguladoras do citado programa, aprobadas mediante o acordo do Consello de Dirección de Agader do 30 de maio de 2008 (*DOG* nº 148 do 5 de agosto).

O 27 de decembro de 2013 publicouse no *DOG* a Resolución do 20 de decembro de 2013 do director xeral de Agader pola que se aprobou o novo marco financeiro do programa Leader Galicia 2007-2013 para os anos 2013-2015 e se modificaron as bases reguladoras para a selección de programas de desenvolvemento rural e para a selección e o recoñecemento de entidades colaboradoras na xestión do programa Leader.

Para darlle efectividade ao novo marco financeiro do citado programa Leader, o 30 de decembro de 2013 o director xeral de Agader resolveu aprobar os novos cadros financeiros dos GDR, o que supuxo a aplicación dos novos fondos a cada GDR e, polo tanto, unha modificación dos seus respectivos cadros financeiros.

O apartado VII (financiamento dos programas de desenvolvemento rural) da Resolución do 20 de decembro de 2013 do director xeral de Agader, establece, no seu punto 13, que os cadros financeiros asignados a cada GDR poderán sufrir modificacións como consecuencia, entre outras circunstancias, (...) de redistribución de fondos entre GDR (...).

Por outra parte, o Acordo do Consello de Dirección de Agader do 11 de xullo de 2013, que se publicou mediante a resolución do 24 de xullo de 2013, da Dirección Xeral da Axencia Galega de Desenvolvemento Rural (DOG nº 148, do 5 de agosto), delegou na persoa titular da Dirección Xeral de Agader o *exercicio das funcións vinculadas á execución dos programas de desenvolvemento rural Leader+, Proder II e Agader, ou outros das mesma natureza promovidos por entidades similares aos actuais grupos de acción local, tales como a aplicación, modificación (...) de fondos, liquidación e peche, (...).*

Á data de hoxe, existen un total de 21 expedientes en situación de reserva por activación parcial de fondos, correspondentes á estratexia dos GDR (medidas 411,412 e 413 do PDR de Galicia 2007-2013). Os cadros financeiros dos distintos GDR cuxos expedientes se atopan na situación descrita non dispoñen de fondos suficientes para cubrir o importe que active totalmente os citados expedientes en reserva. Polo tanto, e tendo en conta a conveniencia de activar a totalidade dos fondos a estes expedientes co obxecto de aproveitar na medida do posible a maior cantidade de fondos públicos do programa Leader Galicia 2007-2013, o mais axeitado sería que se lles asignasen aos citados GDR os fondos procedentes de sobrantes (non comprometidos) do resto de GDR que non dispoñen de expedientes en reserva, de modo que se cubrisen de forma exacta todos os expedientes que se atopan en situación de reserva por adjudicación parcial de fondos, no ámbito das medidas 411,412 e 413 nos GDR e polos importes que a seguir se indican :

<b>GDR</b>	<b>Importe e medida de asignación</b>
01 ( A Mariña)	109.073,58 € (413)
02 (Terra Cha)	114.437,72 € (413)
04 (Terras de Lugo)	92.087,03 € (413)
06 (Os Sete Castros)	45.566,59 € (413)
07 (Miño-Ulla)	2.645,56 € (413)
10 (Adercou)	22.367,14 € (413)
14 (A Limia)	5.990,85 € (413)
16 (O Vieiro Leboreiro)	85.120,62 € (413)
18 (Baixo Miño)	197.531,09 € (413)
21 ( Salnés)	42.957,69 € (413)
22 (Terras do Deza)	59.673,03 € (411)
	25.781,16 € (413)
23 (Ulla Tambre Mandeo)	6.504,64 € (413)
24 (Terras de Compostela)	78.938,59 € (413)
25 (Deboa)	114.212,38 € (413)
26 (Costa da Morte)	2.725,66 € (413)
27 (Bergantiños)	66.210,04 € (413)
28 (Ordes)	23.607,00 € (413)
	69.912,39 € (412)
	12.267,71 (411)
30 (EuroEume)	69.196,77 € (411)
<b>TOTAL</b>	<b>1.095.430,37 €</b>

En relación á redistribución de fondos de que se trata, o citado apartado VII (financiamento dos programas de desenvolvemento rural) da Resolución do 20 de decembro de 2013 do director xeral de Agader, establece, no seu punto 5, que “os criterios que se adopten para a asignación posterior de fondos consensuaranse cos GDR, aprobaranse por Agader e serán obxecto de publicidade”.

A Asociación de GDR de Galicia, mediante escrito do 13 de novembro de 2015, remitido ao subdirector de Relacións cos GDR de Agader, sinala que propón activar os expedientes en situación de adxudicación parcial de fondos seguindo a orde da maior antigüidade correspondente á data de verificación do ICE por parte de Agader. Non obstante, non resulta necesario aplicar criterio ningún de priorización na activación destes expedientes posto que cos fondos dispoñibles é posible cubrir a totalidade dos expedientes que en situación de reserva, teñen, a día de hoxe, todos os GDR no marco das súas estratexias (411,412 e 413). Téñase en conta, por outra parte, que a concesión de novas axudas xa non é posible, posto que o prazo para a súa concesión finalizou o 13/11/2015, segundo dispuxo a Resolución do 24/09/2015 do director xeral de Agader de modificación de datas finais do calendario de xestión do programa Leader-Galicia 2007-2013.

Por último, a variación dos cadros financeiros dos GDR non esixe ningunha tramitación específica para modificar os convenios asinados entre Agader e os GDR, posto que a cláusula décimo quinta destes sinala: “( ... ) cando o orzamento asignado para a execución do programa de desenvolvemento rural varíe como consecuencia de modificacións no orzamento do PDR, da reprogramación solicitada polo GDR e aceptada por Agader, da distribución da reserva de eficacia, do ritmo de execución do citado programa, da redistribución de fondos entre programas dos GDR, do incumprimento da regra n+2 e doutras abrigas, así como noutros casos similares, os cadros financeiros sinalados no anexo 11 deste convenio entenderanse modificados sen necesidade de tramitación específica”.

Tendo en conta o exposto, RESOLVO:

- 1.- Aprobar a redistribución de fondos entre as estratexias dos GDR segundo o cadro sinalado nesta resolución, co obxecto de cubrir a totalidade dos expedientes que a data de hoxe se atopan en situación de reserva por adxudicación parcial de fondos.
- 2.- Notificar aos GDR e publicar na páxina web de Agader esta resolución.

Santiago de Compostela, 25 de novembro de 2015.

O director xeral de Agader.



Antonio Crespo Iglesias.